

ESKUBALOIA



Villarrealek kanporaketa gaintitzea baino joko ona eskatuko du.

GILLENIA

Elgorriaga itxura hobetzeko asmoz kantxaratuko da bihar

P.A. / DONOSTIA

Elgorriaga Bidasoak bihar jokatu du Hungarian Errekopako itzuliko partidua, arratsaldeko bostak eta laurdenetan, Bramac Veszprem taldearen kontra. Irundarrek oso zaila dute hurrengo kanporaketara pasatzea, Artalekun jokaturako joaneko partiduan 18-26 galdu bait zuen. Juantxo Villarrealek Hungariara abiatu aurretik adierazi zuenez, orain ez du kanporaketa gaintitzean pentsatzen, hori ia ezinezkoa bait da. «Ez dut kanporaketa gaintitzeaz hitzegi nahi. Guk nahi duguna partidu ona jokatzeko da eta talde sentsazioa berriro ere aurkitzea, orain ez bait dugu».

Elgorriagako entrenatzaileak ez zuen emaitza zehatzik aipatu, garrantzitsuen konfidantza berreskuratzea bait da. «Konfidantza berreskuratu beharra dugu, Errekopan jarraitzeko jadanik beranduegi bada ere. Horregatik ez dut emaitza zehatzik aipatu nahi. Ez dakit zein emaitzarekin izango nintzatekeen konforme ere».

Irundarrek gaur egingo dute azken entrenamendua, partidura ahalik eta sasoirik onenean heltzeko asmoz. Juantxo Villarrealen mutilek kolpe

handia jaso zuten moralaren aldetik joaneko partiduan, baina bihar duten guztia ematera aterako dira. Juantxo Villarrealek lan gogorra izan du aste honetan taldearen morala sendotzeko eta Bramacen kontrako partiduan hori agerian geldituko da, dudarik gabe.

DENBORALDIKO HELBURUAK LORTU

Elgorriagaren-tzat Errekopatik kanpo geratzea kolpe handia izango da Juantxo Villarrealen hitzetan, baina hala ere denboraldi honetako beste helburuak hor jarraituko dute. «Kanporatuak geratzea kolpe handia izango da, baina ligako bigarren faserako sailkatzea eta ASOBAL Kopa jokatzeko helburuek beren horretan jarraituko dute. Horiak izango dira gure helburuak Errekopatik kanporatzen bagaituzte».

Irundarrek denboraldi honetako partidurik zailena jokatu dute Bramacen kontra. Denboraldi hasieran Errekopa irabaztea zen Elgorriagaren helburu nagusia eta orain, berriz, kanporatuak izateko zorian daude. Juantxo Villarrealen mutilak mirariaren bila kantxaratuko dira eta ikusi egin beharko da hungariarren kontra zer egiteko gai diren.

Laguntzaren beharra

Elgorriaga Bidasoak ez du denboraldi honetan bere benetako maila erakutsi. Irundarrek talde sendoa osatu dute denboraldi honetarako, baina orain arte ikusitakoaren arabera emaitzak ez dira espero bezalakoak izan. Juantxo Villarrealek fitxaketa batzuk egin zituen aurtengo denboraldirako. Juanjo Uriabeteranoa, Frosvil gaztea eta Julius Jonasson islandiarra. Taldea utzi zutenen artean, Alfred Gisslasson bakarrik aipatu behar...Hori ikusita, badirudi taldea izazkoa baino indartsuagoa dela. Baina irundarrak nahiko motel ibili dira azkenaldi honetan.

Ligan gauzak ez dira hain gaizki joan, beharbada gainontzeko taldeak errespetu handia diotelako Elgorriagari. Baina Bramacek argi utzi zuen irundarren momentu ona. Bogdan Wentak sarritan erakutsi du jokalaria izugarria dela, baina ondoren ez du lagunduko dion inor. Poloniarrak Gisslasson zuen joan zen urtean eta batek egun txarra zuenean, besteak hartzen zuen taldearen jokoaren erantzukizuna. Aurten, Wentak ez du iaz besteko laguntzarik. Jonassonek gauza politak egin zituen hasierako partiduetan, baina oraingoz behintzat ez da zaletu guztiek espero zuten jokalaria erabakiorra.

Juantxo Villarrealek denbora gehiago behar duela adierazi zuen Hungariara abiatu aurretik. «Jonasson jokalaria ona da, baina denbora eman behar diogu oraindik berak duen guztia ateratzeko». Elgorriagak inoiz baino gehiago behar du islandiarraren jokoak. Ea Jonassonek garaiz erakusten duen bere benetako jokoak.

FUTBOLA

Athleticeko jokalarri guztiek joka dezakete igandean Españolen kontra

Saezen taldeak ez du orain arte partidu bat bera irabazi San Mamesen

Orain dela egun batzuk, Iñaki Saezek hamaikakoa osatzeko arazo ugari izan zituen arren, jokalarri guztiak ditu prest zurigorrien entrenatzaileak igandean Athleticek Españolen kontra jokatu duen partidurako. Alkorta, Salinas, Ripodas eta Billabonak, sendatuta badaude ere, ez dute hasierako hamaikakoan sartzeko aukera handirik.

RAMON BASALDUA / BILBO

Athleticek ezin du huts egin datorren igandean San Mamesen Españolen kontra jokatu duen partiduan. Dena den, gauza bera esan genuen Sevilla eta Real Madriden kontra etxean galdu ondoren, Coruñaren kontra jokatu zuenean, edota Las Gaunasen Logroñesen kontra irabazi eta gero Burgosen kontra jokatu zuenean. Zoritxarrez, Iñaki Saezen mutilak ez dira San Mamesen orain arte partidu bat bera ere irabazteko gai izan.

Bilboko Athletic taldeko jokalarri guztiek entrenatu zuten atzo Lezaman, Iñaki Saez entrenatzailearen agindutara. Ritxi Mendiguren, azken partiduetan bikain aritu izan den gizona, Genar Andrinua, Oscar Tabuenka eta Aitor Larrazabalek ez zuten entrenamendua amaitu, baina horrek ez du esan nahi iganderako prest egongo ez direnik.

MALLORCAREN KONTRAKO HAMAIAKAKOA

Jokalarri guztiak jokatzeko prest dituzte, ondo pentsatu beharko du Saez entrenatzaileak hasierako hamaikakoa erabakitzeke. Andrinua, Tabuenka eta Larrazabalek lan polita egin dute az-



Ripodas ezinbestekoa izatetik ordezkoen aukira pasa daiteke.

BASALDUA

ken partiduetan, eta Rafa Alkorta sendaturik dagoenez, ikusi egin beharko Saezek, Mallorcaren kontra zelairatu zuen defentsa errepikatu ala Alkorta zelairatzen duen. Erdikaldeari dagokionez, gauza bera gertatzen da. Orain dela aste batzuk Patxi Ripodas ezinbestekoa zen Athleticek, baina Aiarza ondo aritu denez, baliteke nafarra ordezkoen aukian egotea datorren igandean Españolen kontrako partiduan.

Gainerako postuei dagokionez, Eskurza eta Lakabeg izango dira he-

galetatik arituko direnak, Urrutia eta Mendiguren erdikaldean ihardungo dutenak eta Valverde eta Ziganda aurrekaldean gola sartu nahian jokatuko dutenak. Saezek berriro azpimarratu du taldeak bizi duen giro lasaia. «Taldea barruan dagoen lasaitasuna oso garrantzitsua da sailkapeneko azken postuetatik irteteko. Gauza asko entzuten direnez, jokalarrienganako presioa oso handia da, baina zorionez, ezinbestekoa dugun lasaitasuna da nagusi», esan zuen atzo Saezek Lezaman.

Belauneko minak jota zalantza ugari Realean Valladolididerako

INAKI NOGUERAS / DONOSTIA

Realak igandean Valladoliden aurka jokatu duen partidurako Carlos Xavier, Agustín Gajate eta Carlos Martínez zalantza dira. Portugaldearen belaunak hobetze ari dira eta Nuevo Zorrillan jokatzeko esperantza handiak ditu. Gajatek eta Carlos Martinezek ere belaunean dituzte arazoak; atzelariak ezin izan zuen asteazkeneko entrenamendua amaitu, eta gasteiztarrek eragotzenak ditu Santanderren jokatu zuenez geroztik. Zalantza horiek alde batera utzita jokalarri bat baja ziurra izango da. Kodro jugoslaviarra oraindik bere lesiotik osatzen ari da eta ziurrenik Athleticek aurka zelairatuko da berriaz azaroaren 16an Atotxan jokatu den derbyan.

Bestalde Carlos Xavier eta Ocañok Logroñesen aurkako Kopako

partidua gal lezaket Portugalde Greziaren aurka jokatu duen partiduetan ondorioz. Partidua datorren urteko Eurokoparako baliagarria da, eta Kopako partiduetan egun berean jokatu da. Ziurrenik bi portugaldearrek ezin izango dute joaneko partidua jokatu, selekzioak lehentasuna bait du kasu horietan.

Juanan Mentxakaren kasu luzeak amaiera izan dezake hurrengo partiduetan. Direktibak argi eta garbi azaldu zion bizkaitarrari bere egoera zein den Realean, eta jokalarriak erantzuna laster emango du. Jokalaria ez da Toshacken egitasmoetan sartzen eta bere etorkizuna oso iluna da Donostia aldean.

Realak asteartean jokatu du Real Unionen aurka adiskidantza jokatu duen partidua. Iruten jokatu da eta bertan Kodro eta Iñaki Alaba egoteko aukerak handiak dira.



Gajate Valladoliden kontra.